


昭代叢書 乙六之十三

漢書門			
三	七	五	
冊	架	函	號

庫文閣內			
三	七	五	漢
冊	架	函	號


內閣文庫			
番號	漢	3175	
冊數	12	(8)	
函號	371	23	





江南星野考題辭

淺草文庫



謂星野為必可信耶則子產有言裊竈焉知天道而
 鄭亦不火是誠不足據也謂星野為必不可信耶則
 董固梓慎之流又何以言之鑿鑿不爽乎亦惟是盡
 人事以俟于天而分星之驗否聽之自然而已余思
 夫二十八宿與十二躔次相傳以為始于黃帝即堯
 典亦有星虛星昴星鳥星火之名但古者幅頓尚隘
 非若後世之廣遠而後世所恢拓者又非能東西南
 北各增若干里以與乾象相配大抵西南一帶若滇

江南星野考題辭

黔甌粵皆往古所未盡通而欲以黃帝之分星定今時之休咎宜其不相合也昔明成祖北征視北斗已南向亦可知列宿之所域矣或曰吳越南而星紀北則又何也曰是說也吾向亦疑之後見西洋人所製凹面鏡而恍然于其故也鏡之形凹如釜腹架而立之其上方之光所攝者皆附于地者也下方之光所攝者皆附于椽者也今天之形亦如覆釜則是天之星紀正與吳越一帶相射無足疑者雖然此第余之臆說初不敢質言之直而弗有可也新安張湖題

昭代叢書乙集卷六

新安張湖山來輯

江南星野辨

吳江葉燮星期著

宣城梅文鼎定九校

考天文江南星野所屬江南大半為古吳地未嘗錯越境吳越連壤而中分上古必連舉吳越而吳越壤地僅得古揚州之半而不足吳又揚之一隅而不足也然歷代言星野見之史志者類統舉揚州未嘗岐



吳越於揚而言之也。又每統舉吳越。未嘗岐吳於越言之也。卽獨舉夫吳。又未嘗一一分晰某郡爲某星某度而言之也。乃志星野者。每以一郡當古揚州之稱。又以一星分屬。錯出揚州之一邑。其間言辰次者。統而不分。言星次者。該而不晰。言躔度者。錯而無準。竊怪乎其言人人殊也。今先敘其統舉揚州者言之。周禮保章氏。註斗牛女揚州。吳澄曰。星紀揚州之星。土星紀者。辰次在丑。其星斗牛女也。史記牽女婺女揚州。而斗稱江湖。是說稍異也。正義云。南斗牽牛爲

揚州。漢志牽牛婺女揚州。斗南三度。後漢書。玉衡者斗九星也。第六星主揚州。蔡邕云。揚州起斗六度。晉志自南斗十二度。至須女七度。爲星紀於辰在丑。吳越分野屬揚州。元志星紀之次。揚州之分。凡此皆統舉夫古之揚州而言。其次者也。其統言夫吳越者。爾雅及史記正義云。南斗牽牛。吳越分野。後漢郡國志。斗十一度。至婺女七度。一名須女。爲星紀之次。斗建在子。今吳越分野。晉志。斗牽牛須女。爲吳越揚州。蔡邕分星次。起斗六度。至須女二度。爲星紀。爲吳越分

星費直謂斗十度。至須女五度爲星紀。皇甫謐謂星紀自斗十一度。至女七度爲吳越分。隋志與謐言合。京房張衡則云吳越會稽揚州入牛一度。魏陳卓云。自南斗十二度。至須女七度爲星紀。吳越分野屬揚州。宋天文志。天市東南第六星曰吳越。又云吳越當斗須女之分。元志。自斗四度入吳越分。星紀之次。凡此者言度數不同而言星紀。言斗牛女則同。然皆統舉夫吳越而終歸於揚州以言之者也。其專指吳而言者。爾雅星紀斗牽牛吳分野。漢志吳地斗分野。淮

南天文志。須女爲吳。石氏星經云。星斗七。其杓上衡下爲權。主吳分野。劉向云。吳地斗分野。越地牛女分野。唐志。南斗在雲漢下流。當淮海間爲吳分。凡此則皆專指吳而言。或言斗爲吳。或言須女爲吳。劉向則別指牛女爲越分。而不混吳於越者也。然則言揚州言吳越。言吳俱槩舉之。而未嘗晰其界攷之。史志間有言某地某郡而可以古準今者。如漢書志。吳地斗分野。會稽。九江。丹陽。豫章。廬江。廣陵。六安。臨淮。皆吳地。準諸今。除會稽之半及九江。豫章。非江南地。餘皆

今日江南也。後漢天文志註引星經云：玉衡第六星主揚州。嘗以五巳日候之。辛巳主丹陽。晉志：范蠡、鬼谷、張良、諸葛亮、譙周、京房、張衡、陳卓並言斗牽牛須女。吳越揚州廬江入斗六度。丹陽入斗十六度。臨淮入牛四度。廣陵入牛八度。泗水入女一度。六安入女六度。亦皆今江南地也。唐志：揚楚滁和廬壽舒爲星紀分。則於今江南境未全也。唐一行次分野：南斗牽牛星紀之次。丑初起斗九度。終女四度。自廬江九江盡淮南廣陵東海。又逾南河。得漢丹陽郡。自會稽以


至百粵。皆星紀分。南斗皆在雲漢之流。淮海之間爲吳分。是言星紀所該者廣。而斗專主於吳也。宋史：淮西路徐揚之域。而揚爲多。當南斗須女之分。又云：南斗十六星。南星魁星也。石申云：魁一主吳。二會稽。三丹陽。四豫章。五廬江。六九江。凡此皆言星紀之分於揚。於吳。越於吳。而各指當時列郡以表之。及於今之兩浙江西界者也。今考江南各志爲府十四。爲州四。其西南則不盡古揚州。與古吳越於北。則錯出揚州。而入古徐豫之境。其在星紀斗牛女之分。爲古揚州地。

者為府十有二。江寧。蘇州。松江。常州。鎮江。揚州。安慶。徽州。寧國。池州。太平。廬州。為州三。滁。和。廣德。其跨古。徐。豫。揚。之境。而錯分斗。牛。女。房。心。奎。婁。之星。兼居星。紀。大火。降。婁。之次者。為府二。淮安。鳳陽。其間屬斗者。為府之州一。曰鳳陽之壽州。為縣九。曰淮安之山陽。清河。安東。鳳陽之鳳陽。臨淮。定遠。霍丘。盱眙。天長。屬女者。為府之州一。淮安之海州。為縣二。淮安之沐陽。贛榆。屬牛女之間者。為縣一。淮安之鹽城。屬房心者。為州一。徐州。為府之州二。鳳陽之潁州。亳州。為縣四。

淮安之桃源。睢寧。鳳陽之潁上。太和。屬奎婁者。為府之州三。淮安之邳州。鳳陽之泗州。宿州。為縣六。曰淮安之宿遷。鳳陽之懷遠。五河。虹縣。蒙城。靈璧。大約淮。鳳兩府各州縣分屬之星野。歷代史志。竝無畫疆可。據之文。後代各因其地之界。而為之分次。其界於吳。者。即屬以吳之星。其北界於豫之宋。徐之魯者。即屬以宋與魯之星。蓋奎婁為魯分野。房心為宋分野。其。分疆之錯出。即其分星之錯出也。至於府十二之屬。星紀者。大槩屬斗度者多。然歷代天官家論度者。頗。

參錯不同。若曰必以某度屬某府。無論古來論度之起與至之數。各家紛紛無定。即定矣。又安能以府州縣之境。尺寸而畫之。與垂象者。脗合不爽。毫釐乎。故唐一行有兩戒山河之論。其法用春秋十二國以定分野。而不必係之方隅。諸家頗推其說。元郭守敬於天文律歷之學。極精詳。於分野獨略而不言。但推太陽黃道十二次。入宮宿度。係之十二國分。亦一行之說也。守敬極推隋唐之言天者。且云後有作者。無以尚之。然則星野之分。雖智若守敬。亦不能舍是而立。

說然一行之論。又似泛濫而不可稽。惟明劉文成基。清類天文於郡邑分度。為極詳。亦不知何所本。而一不爽。若是歟。



下與漢長城
通省志有星野之圖克當
上意天下遂咸遵其式江南星野圖頗為精妙但所
載七家異同尚未條分縷析今讀此篇洵可謂無微
不抉矣心齋張潮

跋

志地輿者必及分野然從未聞繪之為圖也自河南
通省志有星野之圖克當

上意天下遂咸遵其式江南星野圖頗為精妙但所
載七家異同尚未條分縷析今讀此篇洵可謂無微
不抉矣心齋張潮

水外矣... 昭代叢書乙集卷七... 新安張潮山來輯

昭代叢書乙集卷七

新安張潮山來輯

三年服制考

蕭山毛奇齡初晴著

新安張漸進也校

喪禮莫重于三年使三年之喪而不能明則亦無庸讀禮矣然自漢唐宋以迄于今實亦無能明之者夫三年之喪三十有六月也古人無虛懸月日之理堯典百姓如喪考妣三載孟子舜三年喪畢禹避舜之

昭代叢書 三年服制考

子于陽城商書王宅憂三祀論語百官總已以聽于
 冢宰三年其云三年三祀三載皆明明三十有六月
 並未嘗有虛懸月日以二十有七月當三十六月如
 後世所云也自周制喪有等級而戰國漢初為禮記
 者遂各記節次因有期而小祥十二月為期十三月
為小祥設祥祭又名
 練祭易重再期而大祥二十四月為再期二十五月
為大祥設祥祭易練服為祥
 服為練服中月者一云隔一月一云即此祥月遂
有二十五月二十七月之異爾時設禫
 祭易祥服之說以為喪有節次自此而殺然未嘗曰
 禫服在幾月禫之為服又當有幾月而三年之喪當

限于禫服幾月內也乃漢後作經注者儀禮二記二註皆周

章不明而唐儒襲誤遂因之有二十七月之限而三
 年之喪從此絕矣公羊傳曰三年之恩疾矣非虛加
 之也以為人心皆有之今人心何在耶先仲氏嘗曰
 親喪哀痛靡有紀數毛詩所謂昊天罔極者不得已
 而限以三年此固出自中心並未有他人強之而乃
 名為多日實從減少即在凡喪猶不可而矯詐誣罔
 施由親始此是何意徐仲山作喪服議有曰三年之
 喪有必不可二十七月者以其欺也先王制禮果宜

在二十七月何難直限二年加以三月定之曰此二十七月之喪而乃以三年為名是欺死父母矣夫死父母可欺乎張南士答服問亦有云親喪短月是以估人之行待其親然且期喪外加三期十二月加三月親喪內折三每年折去三月厚所薄而薄所厚顛倒錯亂莫此為甚况其說亦並無可據者

嘗考古言禮之書自易詩書春秋論語孟子以及三禮並無有二十七月之說見于大文唯戴德作服變除禮有云二十五月大祥二十七月而禫而鄭氏遵

之謂間傳儀禮所云中月而禫者中月間一月也古以中為間如三年考校為間年中一以耐為間一類是二十五月大祥之月又間一月為二十七月此言禫月有然並未嘗云此禫月即是喪月三年之喪當撤此月若謂此禫月即喪月則王肅辨鄭之謬有云中月者月中非間月也三年之喪二十五月而畢則即祥之月而禫在月中如檀弓所云祥而縞是月禫者皆二十五月並非二十七月與戴鄭撤喪之月又復不合夫王肅所辨誤據禮文檀弓祥而縞是月禫從月樂言祥而易縞

此祥禮也凡此月禫則必改月而樂此禫禮也是月不速祥縞言王肅誤解
 兩祭可同月舉行祥禫兩服可同月變易者且祥在月幾日禫又在月幾日禫之去祥其兩下設祭各當在月幾日俱滅裂無考此固王鄭言禮王負鄭勝之一節然其所辨者祇禫月耳且卽其所辨亦未定之禫月耳安見三年喪期限于禫月又安見三年喪期必限于戴鄭所定之禫月也乃以後儒相爭未決之月日而竟指之爲先王制禮親喪不易之定期誤矣大誤矣

或曰三禮旣無二十七月之文則二十七月固屬臆說然士虞禮荀子三年問以及公羊傳喪服義諸書無不曰三年之喪二十五月而畢則王肅所云二十五月而禫者或未可知而三年撤喪必在此月何則明明言畢必無畱餘可知也曰不然此所謂畢非謂三年喪期從此而終謂夫三年之喪服則二祥而亦已盡也古凡稱喪皆專指喪服而言故除重服曰除喪喪小記曰期而除喪豈期撤喪乎謂期則小祥可以除重服而服練服也
檀弓子夏除喪而見子路有姊之喪可以除之而勿除皆

同去輕服亦曰去喪論語曰去喪無所不佩豈撤喪而尚虞有不佩也乎謂去練服而服禫服則織冠素衣可以無所不佩也問傳曰禫而織無所不佩是除喪去喪總名畢喪畢喪者祥喪畢耳蓋再期二祥則縞素疏麻爲服已盡嗣此而禫將改易織黃之服此固吉凶織素一大界限故可云畢不然豈不知祥後有禫再期之後有中月而乃曰是月畢喪其可通乎故喪小記曰再期之喪三年也期之喪二年也何嘗曰三年之喪以再期限期之喪以二年限乎謂夫限于再期之喪

服則餘服未已此三年者也限于期之喪服則餘服雖止二月而已踰于期此雖限一年而實幾于二年者也喪者服也再期者祥服之名也故再期之喪亦正如所云三年之喪二十五月而畢耳謂大祥而衰縞從此除耳蓋期之二年非二十五月則三年再期亦非二十五月如謂再期是二年期亦是二年則中庸當云二年之喪達乎大夫二年之喪達乎天子親喪卽期期卽親喪有何相去而乃天子大夫判爲一達一不達中庸多事矣

况歷考喪服亦並不見有短少者上古葬親喪期無
 數此見之易傳有然而唐虞考妣即限三載然並無
 服制雖漢儒註經者造有布冠布衣之說然亦臆度
 之詞故儀禮疏引黃帝九事章云上古虛喪終身至
 唐虞漸漓遂有服喪三載之限則唐虞以前皆是無
 服可知也其後喪服之制不知起于何時而周制瑣
 屑因復有隆殺之等大抵親喪三年限以三節一年
 齊斬齊衰斬苴也此重服為一節二年縞練小祥練冠縗緣大祥縞冠素衽也練縞俱熟繪而縞稍細于練總名縞練故大祥稍降於小祥而總名祥練蓋期而小祥再期而大祥雖分二年而

實在一年之中小祥者再期之首大祥者再期之末也此祥服為一節三年織素亦稱織黃
 也此禫服為一節故間傳有云中月而禫禫而織無
 所不佩夫禫祭之時尚服縞冠舊註所謂素冠朝服
 者而禫祭既畢然後服織服以至于盡所謂織者即
 祥練之後一變服名鄭註所謂織冠采纓而孔氏疏
 義亦云首着織冠身着素端黃裳是也蓋三年即吉
 始服玄冠而玄白半為織黑經而白緯之純白為縞
 故禹貢有玄織縞三繪名而周取以為喪服重輕之
 節其義瞭然而漢後諸儒總少學問祇一織服而不

能實註其所服幾月依文立義並鮮考據而不知禫
 有十月織亦有十月盡三年之喪之月即盡禫之織
 之月不讀漢書乎漢文始以日易月除葬後易重服
 外除喪見宋劉攽註及漢翟方進傳定為三十六日其令有云服大
 紅十五日小紅十四日織七日合三十六日亦惟舊
 制喪期本三十六月而後可代之為三十六日未有
 二十七月而可饒九日以代之者故應劭曰凡三十
 六月易之以三十六日而翟方進傳以丞相起復亦
 云既葬後三十六日起視事皆明驗也乃計其月數

則亦除既葬後分作三節以大紅十五日當一年之
 服大紅者大功也以小紅十四日當二年之服小紅
 小功也以織七日當三年之服織即禫服問傳所云
 禫而織是也是禫之織服當自大祥中月之後直服
 之以至于盡計之祥後餘月俱服織服故舊制二祥
 以前去二十六日則織服十月合三十六日漢制二
 紅以前去二十九日則織服七日合三十六日此固
 確然鑿然無可疑者其稍有變月則以舊制二祥各
 饒禫一月為二十六日故織服十月每年十二月各饒一月為二十

六月則贖者十月矣漢制二紅各饒禫一倍為二十九日故織
服七日每三年三十六月以七乘之五七三十五日而二紅各二七織得一七合之正三十六日而饒一日與大紅是雖稍有通變而仍不失其隆殺之者喪服從重也節蛛絲馬跡彰彰如此此在漢初去古未遠必有所承而儒說質質一槩抹煞所幸間傳漢令同有織字而註間傳與註漢令者又皆彼此茫然並不能以漢令之七日註在織下間傳之織服註在織七日下以致顏師古註漢書反詬應邵舊註三十六月為非是而唐儒王元感稍知義分力以三十六月辨二十七

月之謬雖唐宗已用其說而究之羣邪蠱惑牢不可破口眾我寡終于不行即元感亦不知以間傳織服為之根據親喪大事千載歇絕豈不哀哉
且祥禫終月禮文有之喪服四制云三日而食粥三月而沐十三月而練冠三年而祥比終比終者及終也言自祥而禫而織以及于終也此正謂祥服之後又有禫織以終此三年之月故曰比終不然三年之喪豈終于祥服已乎蓋期年之禫止于一月而三年之禫則由祥以至于盡不止織服七月見之漢令此

正三十六月一大明據而爲正義者依回時俗反以
比終二字連下文茲三節者作句天下有及終茲三
節者而可以成文者乎總由曲護二十五月撤喪之
謬而強制禮文以遷就其義其禍烈一至于此
內則曰女子二十而嫁有故二十三年而嫁有故者
三年之喪也則此三年之喪必三十六月無虛折者
何則二十三年女子之年也天下無生人之年而可
虛折者且卽以儒說較之則二十五月只是再期二
十至二十一爲一期二十二卽再期矣女子有故亦

當曰二十二年而嫁而乃曰二十三年何居夫禮經
大文其不明言曰三年者三十六月可不必言也乃
有雖不言而明明言之如此文者而又各相顧而不
之察吾嘗以嫁娶之月實實計之其云二十之嫁不
定何月然考之舊禮則霜降逆女冰泮殺止自九月
以後十二月以前皆可以嫁卽曰夏之九月爲周之
十一月然卽以周正十一月計之十一月有故則二
年十一月爲二十五月十二月有故則二年十二月
爲二十五月未嘗出三年也况其定霜降與冰泮者

祇爲瀕歲暮而嫁娶可行三正一轍耳何嘗如起蟄之郊龍見之雩限夏時耶

或曰男女嫁娶固當在除喪之後曾子問曰除喪則不復昏禮乎是也但除喪在二十五月則二十五月而嫁娶禮也此原不必三年者而又不然古除喪免喪去喪皆是除服然服之一字所包者廣自易練而祥而禫皆名除喪故喪小記曰期而除喪始易練也是豈期練而卽可以嫁娶也乎若檀弓云子路有姊之喪可以除之矣而勿除則直以撤喪爲除喪者今

三年後嫁已有明文則除喪而昏直是撤喪始嫁娶而俗猶復以春秋逆女多在服內爲言夫宣之未期逆女原屬大變不可爲訓而外此則文公四年方娶婦姜並無再期娶婦者祇文之納幣在二年冬計之僖三十三年冬十二月之薨剛及再期而公羊尚譏其喪娶雖納幣非娶公羊誤譏然亦見男女嫁娶必不當在再期之月斷可知也夫再期而娶謂之喪娶則再期而嫁謂之喪嫁其例同矣若公羊他傳又云三年之喪實二十五月則喪者服也正謂居重服者

實二十五月過此卽二十六月卽是祥禫便當服縗服纖黃矣喪服亦何幾而忍忽之論語宰我曰三年不爲禮禮必壞三年不爲樂樂必崩此實實三十六月本之尚書百姓如喪考妣三載四海遏密八音之說也故曲禮曰居喪未葬讀喪禮旣葬讀祭禮喪復常讀樂章言三年服闋盡復居常之服而後可讀樂章未聞大祥十五日尚有禫纖諸服而可稱喪復常可得讀樂章者此亦三十六月不得爲樂之一証也而戰國儒者造爲孔門弟子祥禫

爲樂顯然與論語不合夫祥禫距期無幾祥禫可爲樂則焉得遽有崩壞之理且其所爲說又各相矛盾如喪服四制曰祥日鼓琴謂大祥二十五月而檀弓云朝祥暮歌則子路笑之必踰月始善踰月者祥後一月廿六月也乃檀弓又自矛盾忽曰孔子旣祥五日彈琴十日成笙歌則踰月謂何且又曰孟獻子禫縣而不樂則不在祥月并不在踰月而在禫月禫則廿七月矣且又日子張子夏除喪彈琴夫除喪二字包有三期耐練一除喪大祥再除喪禫三除喪此之

彈琴雖必非耐練然祥禫未分此是何月乃又曰是月禫徙月樂則禫廿七月尚未為樂又必遷月至廿八月而始可以樂則直是自矛盾由廿四月以至廿八月芒無定準而以此言禮可乎故徐仲山曰徙月而樂則自禫以至終月皆可言徙何如三年不為樂一言而決耶

又或曰除喪免喪既包諸服則甫除祥時禫尚未服而乃曰喪畢既服縞纖喪尚多月而乃曰實二十五日一若三年之喪至此特作一界限者此何說與曰

此則以三年之喪有不服禫者而限之者也何以三年之喪有不服禫者考之喪服之制期有禫三年亦有禫然期原有不禫者如庶子在父之室則為其母不禫是也三年亦然除親喪必禫纖外如外宗為夫人與慈母如母諸服則多有不必禫者此二十五月之喪之所由畢也毛詩庶見素冠刺不終喪者亦以不禫為言素冠者祥冠禫則纖冠矣但不禫雖同而禫有不同期之禫止于十五月一月而三年之禫則自二十五月而服纖以至于盡惜經無明文而漢儒為註疏者遂誤以期禫一月當三

年之禫並不知禫後有多月且不知禫後之服之當
比終而盡禫一月即謂限滿于是二十七月之限亦
由之起焉蓋二十五月之畢畢于不禫而二十七月
之限則又限于禫之一月雖所限不同各有是非張
士曰二十五月而畢喪雖促而是者以有餘也而限
二十七月而滿限雖緩而實非者以無餘也
之所由實在乎是但漢世言禮尚有師承其云二十
五月二十七月者皆各有所自並無言二十六月者
宋朱子居祝夫人喪誤以二十四月為大祥又加二
月遂以二十六月為三年之期則既非古禮又非漢


儒所言禮而杜撰月日致三年之喪又有二十六月
一例嗟乎何為已

禮記三年問云至親以期為斷其云至親者雖鄭註
孔疏皆別引儀禮喪服以本生父母降期諸服為言
不言人子之于父母然父母之喪三年三節則十三
月為一斷二十五月為二斷祥練祥縞原有兩斷即
以親喪言亦未為過特其後文曰三年之喪特從此
而加隆焉則祥禫以後皆屬過情詞不達矣且其解
斷期又曰天地則已易矣四時則已變矣此全是宰

我改燧升穀期可以已之說而以此為斷得母子言
 反過情與禮記卷七
 然則今制二十七月而服闋可乎曰可周制二十
 五月而畢喪衰服除也今制二十七月而服闋縞
 服闋也衰縞既除正有餘服織黃吉服原未嘗于三年月
 日有所短少故周制二十五月即服官任事而今
 則二十七月而然後起用較之雜記祥而從政猶為
 遲緩雜記三年之喪祥而從政期之喪卒哭而從政
 九月之喪既葬而從政小功總之喪既殯而從
 政蓋服官任事不礙喪服周初立制惟恐以衰經之

故重廢王事故夏商以前臣有大喪則君三年不呼
 其門見春秋傳而周用權禮即卒哭而已有從王從公之
 制見喪大禮是禫服補闕正斟酌之盡善者故晉武泰始
 每議終制則博士段暢往往以周禮折之謂周享晉
 號史但譏名位之失未嘗以喪享為非禮晉悼初葬
 平公燕諸侯于溴梁是時賢大夫如羊舌肸祁奚韓
 襄輩並未諫沮反謂繼好繼信補闕謀事皆禮之大
 者蓋古三年不朝聘而周則既葬受瑞卒哭錫命古
 三年不聽政而周則承喪即位改元御寢古三年不

名代喪書 三年服制考



入廟而周則烝嘗禘祫仍沿廟祭古三年不從金革而周則喪服遇警遂許墨涅以從事甚至期年納幣未葬與盟皆周制所有而夫子春秋未嘗譏之即孟子五月居廬未有命戒亦係殷禮高宗三年不言與康王之甫受顧命負扆作誥正自不同故曰先君莫之行是服官任事斷以祥禫而國有大事則復以權禮應之夫然後君父可以兩全也然則今制周制矣或曰三年在周末已不行故孟子在滕始定三年則不然夫孟子所定正定此齊疏飭粥居廬命戒諸

制豈有父母三年定自戰國者夫齊宣欲短喪非三年而何以短為禫服是織服學禮之儒皆所不曉幸間傳有禫而織語而漢文遺詔又適有織七日之文始知織者是禫服之色而七日者乃禫後所服月數故應劭曰織者禫也凡三十六日而釋服矣此固籛羊之最可念者長洲汪氏名琬見堯峰文鈔作喪服說盛訾此註謂織非禫義禫是祭名並非祭服之色師古註織為禫其誤已久則茫然不知織為何物并不知織之為禫是何義

而且應劭之註移坐師古深爲可駭但禮失求野古禮雖亡然尚有草蛇灰綫可隱相蹤跡如唐元陵儀注禫日百官服慘公服詣延英門問皇帝起居次日平明皇帝改服慘吉服其所爲慘則黻聲之誤卽織服之色之稍變者蓋織色黑白與黻之淺青色同故趙宋民俗尚有于禫祭之初先服黻三日而後行祭卽司馬溫公所輯書儀亦尚有男子服黻紗幘頭黻衫角帶婦人以鶯黃青碧皂白爲衣履正與禫服之織冠素端黃裳諸色隱隱相合而當時范淳父見民

俗黻服斥爲不經近長洲汪氏有答人問祥禫書明明引書儀中語而又曰比年以來士大夫居禫尤多苟且今欲改服不審應改何等服色是明見大豆而不知爲菽日求見橐駝而不知卽腫背之馬也欲禮之暫明得乎

吾郡有無名氏書六卷今爲人竊刻作已集其三卷第三篇有三年喪題其首有云記之駁雜得罪于聖人多矣未若二十五月之喪之甚也以九月爲歲是棄天也期以下皆無減而獨減于三年是薄親也其

中有云二十五月而畢見于間傳儀禮及公羊傳三
 書按間傳與荀子禮論篇相出入而三年問則直錄
 其文若儀禮駕名子夏所傳實公羊高輩冒為之故
 公羊高相傳為子夏弟子而儀禮喪服記則全倣公
 羊春秋問答之體是短喪之說實始于荀卿公羊高
 二人而世不察也予謂二十五月而畢語並非服闋
 撤喪之說前已詳言之蓋二十五
月而祥則祥後有禫編服後有織服雖祥而從政可
 起視事然並未服闋焉知禫織之服有幾月耶自顏
 師古注漢紀有二十七月而畢語則斬然無望矣所
 幸間傳有禫而織語喪服四制有三年而祥比終語
 此是實據不
 可不曉也其末有云當觀曾鞏敘徐幹中論以為

據貞觀政要太宗見幹論復三年喪大見稱賞因怪
 全書缺此篇而考之魏志乃知幹所著論本三十餘
 篇今俗所傳中論二十篇非全書也然則古之賢士
 曾論之古之賢王曾病之矣惜其篇不傳一似乎亂
 臣賊子特刪此以圖自便者然而曾鞏之言具在也
此書為人竊刻實可痛恨故記此數
 行以冀觀者考之可微倖一改正耳

師之為類也亦至不一矣有道德之師有舉業之師
有句讀之師有工技之師有藝術之師又有遇合之
師有轄屬之師有求榮之師有避患之師前之數者
有所授受者也後之數者無所授受者也既無所授
受則是徒以名分相羈縻而已師尚若此而况于友
乎哉魏冰叔先生著師友行輩議所以為師友之子
孫計者誠至詳而至當矣然此第為道德之師與舉
業之師言耳句讀之師且未必能使其子孫世敦長

師友行輩議題辭

師之為類也亦至不一矣有道德之師有舉業之師
有句讀之師有工技之師有藝術之師又有遇合之
師有轄屬之師有求榮之師有避患之師前之數者
有所授受者也後之數者無所授受者也既無所授
受則是徒以名分相羈縻而已師尚若此而况于友
乎哉魏冰叔先生著師友行輩議所以為師友之子
孫計者誠至詳而至當矣然此第為道德之師與舉
業之師言耳句讀之師且未必能使其子孫世敦長

幼之序而况于工技藝術乎哉而况于無所授受之師乎哉然世之人往往于無所授受之師致其恭敬此其間有勢利焉假師弟之名以相稱謂云爾惟遇合之師苟果出于暗中摸索為文字之知己則雖無所授受亦當與德義之師舉業之師相等若其出于暮夜之遺則市道之交而已矣至于友之行輩及身者且往往凶終而隙末逞計及其子若孫乎哉然則叔子之言不幾贅乎曰叔子蓋為易堂言之然揆之于理則精義之至矣新安張潮題

昭代叢書乙集卷八

新安 張潮 山來 輯

師友行輩議

寧都魏 禧冰叔著

宣城梅 庚耦長校

易堂之交如親亮翁及三世其尊卑有不可玩例者又予年近五十未舉子而門人之長者僅少余四五歲以下門人之子與通家子子有舉子者矣假令吾今即舉子而其子

且長于吾子乃令其父以行輩為後進非情也。義也。故作師友行輩議。質諸同堂。使後之人有所依據焉。

師者師其德。友者友其義。以德義為名分。故兄弟子孫行輩。非如族姓姻戚之有一定可遞推也。古者師友無服。義無一定。故不可以制服。知服之不可制。則知行輩之不可遞推為合禮義矣。請言其例。德業之師以父道事之。師之父尊其稱曰祖。師之妻尊其稱曰母。此名之不可殺者也。至所以事之之禮。則不盡。

如祖與母也。其父有名德而妻賢齒且長。以祖與母事之可也。不然則奉以名焉可已。師之至親伯叔兄師。俯然為子弟。吾不可以雁行也。非名德。空自居于後進。師之弟學與齒可雁行。則雁行之矣。曰師伯叔者。俗人之稱也。何也。師之弟有可以為吾弟子者。則分非一定也。師之子以兄弟禮之常也。然師有以門人為其子。師者故學與齒相去也遠。而師視其門人如至友。則師之子可事以父執。有初相友而後為師弟者。有本為師弟而情義實如朋友者。師之子。偶坐隨行。拜跪當如通漢家子禮。但以伯叔姪稱呼。則不可以先後輩可也。漢

昭烈謂後主曰。汝事丞相從事。當如事父。是君臣且然矣。昔者吾以父事吾師。楊一水先生而先生使二子。屢晉以父執事。予及其長也。乃為弟子焉。彭躬菴曰。師之子。可以先輩事其門。人以父執則不可。同立乎一師之門。有先輩焉。有後輩焉。其禮不可班也。父與子。師與門人。可共進而師一人。門人之子。於師之子。為後進。常也。學與齒。可雁行。則雁行之矣。故曰師也者。師其德。友也者。友其義。非德非義。苟非名分之。必不可移。則不可以遞推。吾友之子。以吾為父執。不可移者也。故友之孫。視吾

子為前輩。常也。次之子稱父執曰友。伯叔自稱曰友。任于同輩。以齒序相稱曰友。兄弟子之子相稱曰世兄弟。稱父執曰世伯叔。自稱曰世侄。以世別友者。原以世誼相推故也。而齒與學相等。則雁行可也。友之子與吾子。不徒以通家為兄弟。而自為兄弟。其孫與吾子。雖齒學等焉。而雁行不可也。父自為兄弟者。其子皆稱友。不稱世。友之中。有可以兄視其父。而弟視其子者。父友之子。亦友之者。古人所謂羣紀之間也。交親如兄弟者。則不可必視其所始。交或父其父。或子其子。不可移也。此其大較也。嶺南之東。筦有九姓祠焉。遠祖九人。相厚善。為兄弟。其子孫世世

以行輩敘叔侄絕婚姻此賢者之過然而不易及也
 其子孫必賢者也否則再世如路人矣彭躬菴曰愚意易堂九人
即不得如九姓而子與孫世次必不容混即齒學等不擠也過此則出入可矣
 父之友或親為兄弟或同齒同學出入同友善則皆可以伯叔禮
 之今夫伯叔之服自期至于總以及同姓其親疎固
 有殺也故父之友有事之如親伯叔父者有如從再
 從以下者有僅奉之以其名者天子稱同姓諸侯曰
 父異姓曰舅是也余少于前輩甚重伯叔之名或不
 得已循其禮焉而心慚則過也

謝約齋曰於無例中一一以情義例之使於情於
 義安則言之必可行而例定矣既提德義又參以
 學與齒權衡出入如理亂絲而叩其端緒至運筆
 參差變換又有曲徑通幽處禪房花木深之趣○
 拈出一學字正有激勸意在使為人前輩者須求
 免無學而忝為前輩之慚為人後輩有學雖謙抑
 自居却令分尊者有降而雁行之禮不特定一義
 例已也

此書卷八
此書卷八
此書卷八
此書卷八
此書卷八
此書卷八
此書卷八
此書卷八
此書卷八
此書卷八

跋

余猶子基少余五歲凡其友來謁余多以後進自居
余當之殊不自安也乃未久而輒易其稱謂者有之
矣非前恭而後踞也彼其意中謂僕之齒必且倍長
于彼而不意尚少于彼也然則其以後進自居殆欲
相與齒序云爾豈真欲以行輩論耶以是知叔子此
篇祇爲易堂計則可未能概行之天下也心齋張潮

國朝諡法考題辭
 古者之諡以行後世之諡以爵然古之賤者亦未嘗
 有諡則是古亦以爵也第必以行定之耳非若後世
 之有褒而無貶也雖然亦有說焉人臣受祿于君孰
 不欲由卑而尊以建立于盛世逮其沒也復邀賜諡
 之榮然往往不克以功名終其獲與于易名之典者
 十不得一焉凡有諡者大都敬謹寡過自愛其鼎乃
 能得之則亦其人有足表章夫是以當美諡而無媿
 古諡法六家宋嘉祐中所修名周公者即汲冢周書

國朝諡法考題辭

古者之諡以行後世之諡以爵然古之賤者亦未嘗
 有諡則是古亦以爵也第必以行定之耳非若後世
 之有褒而無貶也雖然亦有說焉人臣受祿于君孰
 不欲由卑而尊以建立于盛世逮其沒也復邀賜諡
 之榮然往往不克以功名終其獲與于易名之典者
 十不得一焉凡有諡者大都敬謹寡過自愛其鼎乃
 能得之則亦其人有足表章夫是以當美諡而無媿
 古諡法六家宋嘉祐中所修名周公者即汲冢周書

之諡法篇名春秋者卽杜預釋例之諡法篇廣諡不知何人所作合之沈約賀琛扈蒙之書奉詔刊定而蘇文公又別爲諡法三卷諡錄三十五卷蓋論夫諡之未當而惜乎其不傳于世也今新城王先生輯國朝諡法考自國初迄康熙三十四年二月以前得諡者備載無遺謹按本朝應得卹典者賜諡與否咸出自上裁誠足以示勸懲而昭法戒有非前代所可及閱是編者能無感發而興起乎新安張湖題

昭代叢書乙集卷九

新安張湖山來輯

國朝諡法考

康熙三十四年二月止以後續編

濟南王士禎阮亭編輯

廣平宋實穎旣庭較閱

和碩親王諡號

和碩敬謹親王尼堪

順治十年十月二十三日諡曰

追封和碩親王達爾哈把土魯舒爾哈齊

順治十一年三月二

十四日諡曰莊

和碩吳親王滿達海 順治十二年八月初二日諡曰簡

和碩端重親王亨羅 順治定 年 月 日諡曰

和碩肅親王合格 順治十三年 月 日諡曰武

追封和碩親王呼字 康熙元年十二月十七日諡曰惠順

和碩鄭親王濟而哈朗 康熙元年二月 日諡曰獻

和碩敬謹親王尼思哈 康熙六年三月二十二日諡曰悼

和碩顯親王富壽 康熙九年二月二十六日諡曰懿

和碩簡親王濟度 康熙十年六月十五日諡曰純

和碩穎親王薩哈廉 康熙十年六月十五日諡曰毅

和碩襄親王博穆博爾果 康熙十年六月十五日諡曰昭

和碩承澤親王碩塞 康熙十年六月十五日諡曰裕

追封和碩饒餘親王阿巴泰 康熙十年六月十五日諡曰敏

和碩禮親王代善 康熙十年六月十五日諡曰烈

和碩簡親王德塞 康熙十年六月十五日諡曰慧

和碩純親王隆禧 康熙十八年七月二十八日諡曰精

和碩安親王岳樂 康熙二十八年閏三月十五日諡曰和

多羅郡王諡號

太祖親伯父郡王爾袞 順治十一年三月二十四日諡曰慧哲

太祖親伯父郡王階堪

順治十一年三月二十四日
諭曰宣獻

太祖親弟郡王牙爾噶奇

順治十一年三月二十四日
諭曰通達

多羅郡王塔喇納

順治十四年十月二十七日
諭曰通達

世子福爾敦

順治十四年十月二十七日
諭曰愨厚

多羅信郡王多尼

順治十八年九月初七日
諭曰宣

多羅謙郡王瓦克達

康熙十年六月十五日
諭曰襄

多羅敏郡王勒度

康熙十年六月十五日
諭曰簡

多羅衍禧郡王羅洛洪

康熙十年六月十五日
諭曰

多羅豫郡王多鐸

康熙十年六月十五日
諭曰通

多羅郡王精濟

康熙十年六月十五日
諭曰懷愨

多羅順承郡王勒克德渾

康熙十年六月十五日
諭曰恭惠

多羅溫郡王

康熙十三年八月二十日
諭曰

多羅溫郡王

康熙十七年二月二十五日
諭曰哀

多羅平郡王羅科多

康熙二十一年九月初一日
諭曰比

多羅貝勒諡號

多羅貝勒哈兒出洪

順治十一年三月二十四日
諭曰顯榮

多羅貝勒圖倫

順治十一年三月二十四日
諭曰恪

多羅貝勒擇桑古

順治十一年三月二十四日
諭曰和惠

名代養書

國朝諡法考

多羅貝勒偏古 順治十一年三月二十四日諡曰靖

多羅貝勒卓禮克兔 順治十一年三月二十四日諡曰剛果

多羅貝勒清把土魯穆爾哈齊 順治十一年三月二十四日諡曰勇壯

多羅貝勒塔察偏古 順治十一年三月二十四日諡曰恪恭

多羅貝勒扈世希 順治十四年十月二十七日諡曰剛毅

多羅貝勒杜爾戶 順治十四年十月二十七日諡曰愨厚

多羅貝勒把爾出洪 順治十四年十月二十七日諡曰和惠

多羅貝勒齊克辛 順治十八年五月二十日諡曰懷思

多羅貝勒常阿岱 康熙四年七月十四日諡曰懷愨

固山貝子諡號

固山貝子博和拖 順治十一年三月二十四日諡曰溫良

固山貝子蘇不兔 順治十一年三月二十四日諡曰悼愨

固山貝子努賽 順治十一年三月二十四日諡曰悼哀

固山貝子尚儉 順治十一年三月二十四日諡曰賢愨

固山貝子強度 順治十四年十月二十七日諡曰介潔

固山貝子撒畢 順治十四年十月二十七日諡曰懷愨

固山貝子吳達海 順治十四年十月二十七日諡曰襄敏

固山貝子特爾護 順治十五年正月十四日諡曰恪僖

固山貝子傅格齊庫 順治十五年正月十四日諡曰介潔

固山貝子敦達 康熙十三年十月二十九日諡曰恪恭

固山貝子福喇塔 康熙十七年七月初二日諡曰惠獻

固山貝子姑爾瑪洪 康熙二十年十一月二十一日諡曰溫簡

鎮國公諡號

鎮國公阿拜 順治十一年三月二十四日諡曰勤敏

鎮國公巴布太 順治十四年十月二十七日諡曰恪儉

鎮國公馬山 順治十五年二月十八日諡曰懷儀

鎮國公文齊哈 順治十五年正月十四日諡曰懷思

鎮國公姑翬 順治十五年正月十四日諡曰悼愍

鎮國公僧額 順治十六年閏三月十一日諡曰懷愍

鎮國公馬爾兔 順治十六年閏三月十一日諡曰懷思

鎮國公郭蓋 順治十八年五月二十日諡曰端純

鎮國公喇都戶 順治十八年五月二十日諡曰端純

鎮國公果色 康熙九年九月初九日諡曰愨厚

鎮國公托克托慧 康熙十二年三月二十九日諡曰純和

輔國公諡號

輔國公塔拜 順治十一年三月二十四日諡曰愨厚

輔國公賴尹布 順治十一年三月二十四日諡曰介

輔國公答爾察 順治十一年三月二十四日諡曰剛毅

輔國公舜庫圖 順治十一年三月二十四日諡曰懷思

輔國公翁古 順治十四年十月二十七日諡曰懷思

輔國公金柱 順治十四年十月二十七日諡曰懷儀

輔國公世補世倫 順治十四年十月二十七日諡曰悼愍

輔國公翁武 順治十四年十月二十七日諡曰悼愍

輔國公海蘭 順治十四年十月二十七日諡曰愨厚

輔國公干兔 順治十六年十月二十七日諡曰介直

輔國公拔都海 順治十七年十月十六日諡曰恪僖

輔國公喇什塔 順治十八年五月二十日諡曰恪僖

輔國公滿都 順治十八年五月二十日諡曰懷思

輔國公杜倫 康熙三年四月初二日諡曰懷愍

輔國公穆臣 康熙十二年三月二十九日諡曰愨厚

宗人府右宗人輔國公都統瓦山 康熙廿四年二月十四日諡曰襄敏

鎮國將軍諡號

鎮國將軍湯古代 順治十一年三月二十四日諡曰克潔

鎮國將軍穆爾察 順治十四年十月二十七日諡曰恪恭

鎮國將軍蘇黑思 順治十四年十月二十七日諡曰懷

奉恩將軍喇都海懷儀 順治十四年十月二十七日諡曰

鎮國將軍杞杞 順治十五年正月十四日諡曰懷愍

輔國將軍諡號

輔國將軍范兔儀 順治十一年三月二十四日諡曰懷

輔國將軍偏古殤 順治十一年三月二十四日諡曰悼

輔國將軍賽克兔懷儀 順治十四年十月二十七日諡曰

輔國將軍賽爾白懷儀 順治十四年十月二十七日諡曰

輔國將軍巴哈 順治十五年正月十四日諡曰懷思

輔國將軍杜爾杞厚 順治十五年正月十四日諡曰愨

輔國將軍恩克布僖 康熙二十年六月初六日諡曰溫

妃諡

妃廓爾沁把土魯王之女 順治十五年三月二十

石妃吏部侍郎石申之女 康熙六年十二月初二

妃 康熙九年五月二十三日諡曰慧

公主諡號

喇馬思額駙所尚公主 康熙二年十月二十九日諡

鳴爾馬索諾額駙所尚公主 康熙二年十月二十九日諡曰端順長公主

昭代叢書 國朝諡法考

額駙諡號

和碩額駙太子太保耿昭忠

康熙二十五年四月初九日諡曰勤儉

和碩額駙太子太保耿聚忠

康熙二十六年三月初十日諡曰愨敏

藩王諡號

定南王孔有德

順治十二年五月十九日諡曰武壯

靖南王耿仲明

順治十二年五月二十二日諡曰恪順

義王孫可望

順治十八年五月二十二日諡曰恪順

靖南王耿繼茂

康熙十年六月十五日諡曰忠敏

義王孫徵淳

康熙十一年八月十三日諡曰順愨

平南親王尚可喜

康熙十六年七月初五日諡曰敬

海澄公追封王爵黃芳度

康熙十五年五月十八日諡曰忠勇

民公諡號

固山額真三等公何苟圖

順治十三年六月十二日諡曰端恪

少保兼太子太保內大臣一等公愛星阿

康熙三年四月十一日諡曰敬康

輔政大臣一等公索尼

康熙五年八月十二日諡曰文忠

一等公品級遏必隆

康熙十三年三月初四日諡曰恪僖

太子太保一等公加贈太保黃梧

康熙十六年八月三十日諡曰忠恪

太子太保一等海澄公加贈少保黃芳世 康熙十七年七月初

九日諡曰忠襄

太子太傅都統議政大臣三等公吏部尚書中和殿

大學士圖海 康熙二十一年二月十四日諡曰文襄

太子少師領侍衛內大臣議政大臣一等公噶布喇

康熙二十年十月二十二日諡曰恪儉

都統內大臣一等公舅舅佟國綱 康熙二十九年十月二十一日諡曰

忠勇

侯伯諡號

二等伯明安 順治十一年五月二十八日諡曰忠順

一等伯又一拖沙喇哈番黑白昂邦程尼 順治十三年正月初

七日諡曰誠介

固山額真三等伯阿機格尼勘 順治十三年六月十日諡曰武敏

內大臣三等伯加一級贈侯鄂實 順治十四年九月廿七日諡曰剛毅

定西將軍都統三等侯黑勒根蝦 順治十七年七月初七日諡曰敏壯

欽定一等侯兼一拖沙喇哈番都統空爾德 順治十八年二

月初八日諡曰襄敏

一等精奇尼哈番一等蝦陣叻授三等伯覺羅莫羅

洪 康熙二年正月二十四日諡曰剛勇

內大臣二等伯宐爾鄧 康熙二年八月二十六日諡曰忠直

都統議政大臣二等伯卓羅 康熙七年九月十五日諡曰忠襄

三等承恩伯周全斌 康熙十年三月二十六日諡曰恪順

少保兼太子太保漢軍都統三等伯石廷柱 康熙十年八月

十八日諡曰忠勇

都統議政大臣一等伯宐理布 康熙十九年八月初十日諡曰武壯

提督四川總兵官三等伯王之鼎 康熙二十年七月初六日諡曰忠毅

鎮守福建將軍伯佟國瑤 康熙二十八年十二月初九日諡曰忠愍

大學士諡號

內院大學士謝陞 順治二年 日諡曰清義

內翰林宏文院大學士贈太保希福 順治十年閏六月初五日諡曰文簡

內翰林國史院大學士贈太子太保張端 順治十一年七月 日諡曰文安

太子太保內翰林宏文院大學士高爾儼 順治十三年正月初七日諡曰文端

太子太保內翰林國史院大學士宋權 順治十三年閏五月十一日

日諭日文康

少師兼太子太師戶部尚書保和殿內國史院大學

士額色黑 順治十八年十一月初五日諭日文恪

太傅兼太子太師經略湖廣等處五省兵部尚書武

英殿大學士三等阿達哈哈番洪承疇 康熙四年四月十一

日諭日文襄

少傅兼太子太傅內國史院大學士二等阿達哈哈

番甯完我 康熙四年五月十一日諭日文毅

太傅兼太子太師內秘書院大學士一等精奇尼哈

番范文程

康熙五年十月二十四日諭文肅

少師兼太子太師大學士都統覺羅巴哈納 康熙八年七月

十五日諭日敏壯

太傅兼太子太師內秘書院大學士金之俊 康熙九年三月

十九日諭日文通

少保兼太子太保禮部尚書內國史院大學士蔣赫

德 卽蔣元恒康熙九年十一月十一日諭日文端

大學士兼吏部尚書車克 康熙十年七月十五日諭

太保兼太子太師禮部尚書中和殿大學士馮銓 康熙

十二年三月二十九日諭曰文敏

內秘書院大學士孫廷銓

康熙十四年二月初三日
諭曰文定

少師兼太子太師戶部尚書保和殿大學士衛周祚

康熙十四年九月二十一日諭曰文清

太子太保文華殿大學士管吏部尚書事拜他喇布

勒哈番對哈納 康熙十四年十月初六日諭曰文端

大學士三等阿達哈哈番覺羅伊圖 康熙十六年八月初二日諭曰

文儔

經略陝西等處武英殿大學士兼兵部尚書都察院

右副都御史莫洛

康熙二十二年十一月初八日
諭曰忠愍

少保兼太子太師戶部尚書保和殿大學士李燾 康熙

二十三年九月十七日諭曰文勤

吏部尚書文華殿大學士黃機

康熙二十五年閏四月初五日諭曰文儔

太子太傅吏部尚書文華殿大學士宋德宜 康熙二

十七年七月二十九日諭曰文恪

太子太傅都統內大臣世襲一等精尼奇哈番吏部

尚書中和殿大學士巴泰

康熙三十年二月初三日
諭曰文恪

太子太傅加太子太師禮部尚書保和殿大學士杜

立德 康熙三十年閏七月二十日諡曰文端

太子太傅禮部尚書武英殿大學士吳正治 康熙三十一年

四月初四日諡曰文儔

太子太傅刑部尚書文華殿大學士馮溥 康熙三十一年四月

十九日諡曰文毅

吏部尚書文華殿大學士李之芳 康熙三十四年二月二十八日諡曰

文襄

學士諡號

欽定光祿大夫學士達亥巴克式 順治十一年四月十六日諡曰文成

爾德你巴式格 順治十一年四月十六日諡曰文成

學士拜他喇布勒哈番陣亾加一拖沙喇哈番馬祿

順治十四年二月十九日諡曰忠勤

經筵日講官翰林院掌院學士兼禮部侍郎贈尚書

喇沙里 康熙十九年二月初九日諡曰文敏

詹事府諡號

日講官起居注詹事府詹事兼翰林院侍讀學士加

禮部侍郎沈荃 康熙二十四年四月二十五日諡曰文恪

尚書諡號



少保兼太子太保禮部尚書王鐸

順治十年十二月十二日諡曰文安

兵部尚書張秉貞

順治十三年正月初七日諡曰僖和

兵部尚書贈太子少保李際期

順治十三年閏五月初十日諡曰僖平

尚書二等阿達哈哈番滿達喇漢

順治十三年六月十二日諡曰敬敏

尚書三等阿達哈哈番宏孫

順治十三年六月十二日諡曰襄壯

理藩院尚書一等阿達哈哈番沙機達喇

順治十三年六月十日

八日諡曰正直

固山額真吏兵二部尚書一等阿達哈哈番噶達洪

順治十四年六月十二日諡曰敏壯

太子太保工部尚書謝啓光

順治十五年十二月初二日諡曰僖敏

贈少保兼太子太保吏部尚書王永吉

順治十六年閏三月二十

四日諡曰文通

戶部尚書甯古里

康熙二年四月初二日諡曰勤敏

太子太保兵部尚書明安達禮

康熙八年三月初十日諡曰敏果

蒙古都統尚書馬爾賽

康熙八年三月初十日諡曰忠敏

戶部尚書太子少保蘇納海

康熙八年九月初九日諡曰襄愍

少傅兼太子太傅工部尚書劉昌

康熙十年二月初六日諡曰勤僖

太子太保內大臣理藩院尚書二等阿達哈哈番哈

蘭圖 康熙十二年四月初五日諡曰敏壯

禮部尚書龔鼎孳 康熙十三年二月十三日諡曰端毅

太子少師工部尚書星納 康熙十三年九月初九日諡曰敏襄

太子太保兵部尚書王宏祚 康熙十四年正月二十日諡曰端簡

一等阿思尼哈番又一拖沙喇哈番戶部尚書米斯

漢 康熙十四年四月二十一日諡曰敏果

刑部尚書姚文然 康熙十七年八月十八日諡曰端恪

太子太保禮部尚書王崇簡 康熙十八年正月十九日諡曰文貞

刑部尚書劉棟 康熙十八年十月十九日諡曰端敏

工部尚書陳鼐永 康熙二十年七月初九日諡曰文和

禮部尚書管刑部尚書郭四海 康熙二十二年正月二十二日諡曰文敏

吏部尚書郝惟訥 康熙二十年十月十一日諡曰恭定

刑部尚書魏象樞 康熙二十六年十一月初二日諡曰敏果

吏部尚書鄂爾多 康熙三十年九月二十日諡曰敏恪

侍郎諡號

戶部右侍郎梁雲構 順治十一年四月十六日諡曰康僖

理藩院侍郎一等阿思哈哈番尼堪 順治十三年正月初七日諡曰

勤愨

吏兵二部侍郎拜他喇布勒哈番超哈耳 順治十三年六月十日

二日諡曰果壯

吏部右侍郎拜他喇布勒哈番科爾坤 順治十七年正月十八日

諡曰忠勤

侍郎副都統阿思哈哈番邵占 康熙三年二月初十日諡曰英敏

太子少保侍郎阿達哈哈番石達禮 康熙三年四月十日諡曰僖敬

刑部右侍郎加禮部尚書仍兼翰林院學士葉方藹 康熙二十一年十月二十四日諡曰文敏

康熙二十一年十月二十四日諡曰文敏

太子少保刑部左侍郎宋文運 康熙二十四年七月初七日諡曰端愨

欽天監治理歷法加工部右侍郎南懷仁 康熙二十七年四月

初二日諡曰勤敏

都察院都御史諡號

都察院左副都御史贈右都御史孫昌齡 順治十年十二月十日

二日諡曰恭憲

太子太保都察院掌院事左都御史房可壯 順治十一年九月

月二十八日諡曰安恪

太子太保都察院左都御史管大理寺卿徐起元 順治十三年閏五月十一日諡曰僖靖

十三年閏五月十一日諡曰僖靖



旗下官員諡號

二等精奇尼哈番頂帶照固山額真銜吳賴 順治十年十二月二十六日諡曰康毅

一等精奇尼哈番固山額真左夢庚 順治十一年七月

莊敏 順治十一年七月

贈三等阿達哈哈番照阿思哈哈番品級立碑敦達 禮 順治十一年五月二十八日諡曰忠毅

贈三等阿思哈哈番照一品品級立碑安達禮 順治十一年五月二十八日諡曰忠介

乳公二等阿達哈哈番哈喇 順治十一年八月

拜他喇布勒哈番兼一拖沙喇哈番管牛彖兼管梅勒陳逢泰 順治十三年正月初七日諡曰康僖

二等阿思哈哈番荆古而達 順治十三年正月初七日諡曰忠直

三等阿思哈哈番管牛彖蘇班帶 順治十三年正月十三日諡曰順僖

蒙古固山額真馬喇喜 順治十三年正月初七日諡曰忠僖

一等阿達哈哈番管梅勒牛彖卜舟 順治十三年正月初七日諡曰毅勤

梅勒章京二等阿達哈哈番韋徵 順治十三年二月十九日諡曰忠愨

一等阿思哈哈番兼一拖沙喇哈哈番寧古塔駐防昂

邦章京沙爾呼達

順治十三年閏五月十一日諭曰襄莊

與五臣同固山額真邵科羅把土魯安偏我

順治十三年閏

三月十一日諭曰敏壯

一等阿達哈哈番照阿思哈哈番品級管牛彖兼一

拖沙喇哈哈番阿機拜

順治十三年二月十九日諭曰勤儉

燾章京管牛彖三等阿思哈哈番邇塔喇

順治十三年二月十

九日諭曰忠壯

照侍郎品級一等阿達哈哈番又一拖沙喇哈哈番庫

禮

順治十三年六月十九日諭曰僖恪

噶布什賢超哈噶喇昂邦三等精奇尼哈番追贈邵

科羅把圖魯徐魯希

順治十三年六月十二日諭曰忠宣

固山額真一等精奇尼哈番準塔把圖魯

順治十三年六月十

二日諭曰襄毅

固山額真一等精奇尼哈番冷格里

順治十三年六月十二日諭曰

武襄

八門總管昂邦三等阿達哈哈番衛奇

順治十三年六月十二日

諭曰端勤

三等精奇尼哈番恩格德里 順治十三年六月十二日諡曰端順

梅勒章京三等精奇尼哈番勞沙邵科羅把圖魯 順治十三年六月十二日諡曰忠毅

梅勒章京三等阿思哈哈番孟譚 順治十三年六月十二日諡曰忠勇

三等阿思哈哈番舒賽 順治十三年六月十二日諡曰壯勤

三等阿思哈哈番達諸護 順治十三年六月十二日諡曰襄敏

二等精奇尼哈番哈山 順治十三年六月十八日諡曰敏壯

梅勒章京三等阿達哈哈番納爾恪 順治十三年六月十二日諡曰

端壯

嘉爾虎氣一等阿達哈哈番雅希禪 順治十三年六月十二日諡曰

敏果

三等精奇尼哈番順霸邦 順治十三年六月十二日諡曰僖順

固山額真二等阿達哈哈番把都理 順治十三年六月十二日諡曰

敏壯

固山額真二等精奇尼哈番修養性 順治十三年六月十八日諡曰

勤惠

固山額真三等精奇尼哈番何和禮 順治十三年六月十二日諡曰

溫順

嘉爾虎氣三等阿思哈哈番阿蘭珠 順治十三年六月十二日諡曰

順毅

與五臣同三等阿達哈哈番西喇把 順治十三年六月十二日諡曰

順壯

二等精奇尼哈番梭諾木 順治十三年六月十二日諡曰順良

三等精奇尼哈番祖可法 順治十三年八月二十六日諡曰順僖

固山額真管牛象一等精奇尼哈番兼一拖沙喇哈

番陳泰 順治十三年 月 日諡曰忠襄

內大臣二等阿思哈尼哈番鄂齊爾 順治十四年九月二十七日諡

日勤恪

內大臣二等精奇尼哈番加一級覺羅塞勒 順治十四年十月二十七日諡曰勤慈

二月二十七日諡曰勤慈

一等精奇尼哈番又一拖沙喇哈番固山額真管牛

象阿爾進 順治十五年六月初三日諡曰端果

三等阿思哈哈番頂帶照精奇尼哈番品級加一級

管牛象蘇喇章京宏拜 順治十五年六月初五日

諡曰勤直

太子太保三等精奇尼哈番加一級土賴 順治十五年七月初

增不詳書卷九
三日謚曰勤襄

一等阿達哈哈番兼一拖沙喇哈番梅勒章京加一級董俄
順治十六年七月初八日謚曰勤僖

三等阿思哈哈番一等蝦加一級劉麟圖
順治十六年七月初八日謚曰僖順

一等精奇尼哈番加一級顧爾布錫
順治十七年五月十八日謚曰
敏襄

一等阿達哈哈番蝦傅達理
順治十七年五月十八日謚曰忠烈
太子太保盛京駐防總管一等精奇尼哈番加一級

敦拜
順治十七年七月初七日謚曰襄壯

一等阿達哈哈番又一拖沙喇哈番蒙古副都統渾
錦
順治十七年七月初七日謚曰壯勤

拜他喇布勒哈番牛象都統加一級沙理布
順治十七年七月初七日謚曰襄壯

一等精奇尼哈番兼一拖沙喇哈番內大臣多爾機
達爾罕諾奇
順治十七年七月初七日謚曰順僖

內大臣二等精奇尼哈番加一級覺羅塞勒
順治十七年
月 日謚曰勤愨

額爾克戴青

順治十八年九月初五日諡曰勤良

三等阿思哈哈番加一級蘇祿邁把圖魯

康熙元年十一月二

十二日諡曰勤勇

三等精奇尼哈番一等蝦納穆生格

康熙二年八月十九日諡曰直

勇

一等精奇尼哈番馬光遠

康熙二年九月初十日諡曰誠順

太子太保一等阿思哈哈番又一拖沙喇哈番加一

級議政大臣哈什屯

康熙三年二月初十日諡曰恪儆

副都統三等精奇尼哈番加一級教善

康熙三年二月初十日諡

曰敏勇

二等精奇尼哈番管蝦內大臣加一級杜魯麻把圖

魯占

康熙三年四月十一日諡曰忠直

十嘉爾虎氣都統博爾金蝦

康熙三年八月初四日諡曰忠直

太子太保都統二等精奇尼哈番加一級俄羅斯色臣

康熙三年九月十九日諡曰果敏

都統議政大臣孫塔

康熙四年十二月十三日諡曰忠襄

三等阿思哈哈番胡亮

康熙七年六月十六日諡曰忠敏

內大臣一等精奇尼哈番吳拜

康熙八年七月十五日諡曰果壯

內大臣一等阿思哈哈番蘇拜 康熙八年七月十五日諭曰勤儉

都統三等精奇尼哈番加一級朱馬喇 康熙八年十月初三日

諭曰襄敏

太子太保廣東鎮海將軍都統一等阿思哈哈番加

一級王國光 康熙九年閏二月二十六日諭曰襄壯

內大臣加一級那爾孫 康熙九年閏二月二十六日諭曰襄敏

一等阿思哈哈番都統議政大臣加一級高爾沁 康熙九年三月十九日諭曰襄敏

九年三月十九日諭曰襄敏

噶喇昂邦一等阿思哈哈番加一級功授三等精奇

尼哈番白爾黑兔 康熙十年二月二十六日諭曰忠勇

二等阿思哈哈番議政大臣都統加二級特錦 康熙十一年四月初九日諭曰襄壯

十一年四月初九日諭曰襄壯

護軍統領三等阿思哈哈番加二級費思哈 康熙十一年八月十三日諭曰儉恪

年八月十三日諭曰儉恪

太子太傅內大臣二等阿達哈哈番布葉希理 康熙十三年四月初六日諭曰果壯

年四月初六日諭曰果壯

盛京將軍二等阿達哈哈番阿穆爾圖 康熙十三年四月初六日

諭曰襄壯

盛京副都統三等阿達哈哈番加一級鄂莫格圖 康熙

十三年十一月十二日諡曰壯勤

穆穆阿媽一等阿達哈哈番加二級邁坎 康熙十四年四月二

十一日諡曰勤儉

太子少傅護軍統領二等阿思哈哈番加二級孫達

禮巴圖魯 康熙十四年五月十六日諡曰果壯

西安將軍一等阿達哈哈番窪兒哈 康熙十四年閏五月初四日諡

曰襄敏

副都統一等阿達哈哈番加一級褚庫巴圖魯 康熙十四

年六月十二日諡曰襄壯

副都統阿爾虎 康熙十七年 月 日諡曰敏壯

叅贊護軍統領三等阿達哈哈番哈克山 康熙十九年 月

日諡曰武毅

太子太保副都統徐大貴 康熙十九年五月 日

諡曰勤果

署副都統三等阿思哈尼哈番達理世把圖魯 康熙

年 月 日諡曰武毅

盛京副都統拖沙喇哈番鄂泰 康熙 年 月

日諡曰襄壯

一等待衛他客兒昂邦禪布 康熙 年 月

日諡曰勇恪

內大臣一等精奇尼哈番加二級哈岱 康熙十九年閏八月

日諡曰勤壯

拖沙喇哈番前鋒叅領加二級吳木篤 康熙十九年九月初七日

諡曰襄壯

一等阿思哈哈番管侍衛內大臣加三級阿彖哈 康熙十九年九月十四日諡曰勤儉

十九年九月十四日諡曰勤儉

蒙古都統畢理格圖 康熙二十年九月二十六日諡曰恪儉

太子少保內大臣色爾格克 康熙二十一年二月十四日諡曰勤敏

護軍阿勒賽 康熙二十一年月日諡曰壯敏

二等河思哈尼哈番敖塞 康熙日諡曰勤儉 年 月

太子少傅蒙古都統道喇 康熙日諡曰勤襄 年 月

副都統拖沙喇哈番卜舒庫 康熙日諡曰剛壯 年 月

護軍叅領阿勒賽 康熙二十一年十月二十四日諡曰壯愍

都統佐領賴塔 康熙二十四年二月十四日諡曰襄毅

散秩大臣墨勒根下阿淑 康熙二十四年四月二十五日諡曰勤儉

副都統巴圖 康熙二十五年四月二十三日諡曰

蒙古都統拜他喇布勒哈番塔爾代 康熙二十五年十月十八日諡曰勇壯

曰勇壯

杭州將軍拖沙喇哈番扈圖 康熙二十六年六月初四日諡曰敏恪

奉天將軍宗室察尼 康熙二十八年閏三月十四日諡曰恪僖

叅領卜爾何代 康熙三十年四月初二日諡曰襄懋

西安將軍三等阿達哈哈番馬喇 康熙三十一年十一月二十一日諡

曰敏恪

蒙古都統黑碩色 康熙三十三年閏五月十四日諡曰敏

副都統邁圖 康熙二十九年十一月日諡曰忠毅

滿洲都統根特 康熙三十三年十月初二日諡曰襄壯恪

散秩大臣輔國將軍扎山 康熙三十三年十月二十日諡曰敏恪

總督諡號

總督直省兵部尚書兼都察院右副都御史贈太子

太保張存仁 順治十年十二月初十日諡曰忠勤

總督川陝少保兼太子太保兵部尚書兼都察院右

副都御史孟喬芳 順治十一年七月日諡曰忠毅

總督直省太子少保兵部尚書馬光輝 順治月年

諡曰忠靖

總督湖廣兵部尚書兼都察院右副都御史胡全才

順治十四年二月三十日諡曰勤毅

總督川陝三邊兵部尚書兼都察院右副都御史馬之先
順治十四年十二月初八日諡曰勤儉

總督四川太子太保兵部尚書兼都察院右副都御史李國英
康熙五年五月初八日諡曰勤襄

總督福建少保兼太子太保兵部尚書兼都察院右副都御史李率泰
康熙五年五月二十五日諡曰忠襄

總督浙閩太子少保兵部尚書兼都察院右副都御史趙廷臣
康熙八年五月十一日諡曰清獻

總督直省兵部尚書兼都察院右副都御史朱昌祚
康熙八年九月初九日諡曰勤愍

總督漕運兵部尚書兼都察院左副都御史蔡士英
康熙十三年二月十三日諡曰襄敏

總督福建兵部右侍郎兼都察院右副都御史贈太子少保兵部尚書范承謨
康熙十九年八月十七日諡曰忠貞

總督雲貴兵部尚書兼都察院右副都御史甘文焜
康熙二十年六月初十日諡曰忠果

總督福建兵部右侍郎兼都察院右副都御史施維翰
康熙二十三年八月初四日諡曰清惠

總督兩江兵部尚書兼都察院右副都御史贈太子

少保于成龍

康熙二十三年八月二十七日諡曰清端

總督漕運兵部右侍郎兼都察院右副都御史徐旭

齡

康熙二十六年五月十六日諡曰清獻

總督河道兵部尚書兼都察院右副都御史靳輔

康熙

三十二年二月初八日諡曰文襄

總督兩江兵部右侍郎兼都察院右副都御史贈太

子太保拜他喇布勒哈番傅臘塔

康熙三十三年九月二十三日

諡曰清端

巡撫諡號

巡撫南贛太子太保兵部尚書兼都察院右副都御

史劉武元

順治十三年正月十七日諡曰明靖

巡撫山西都察院右副都御史祝世昌

順治十三年閏五月初十

日諡曰僖靖

提督操江巡撫安徽等處太子太保兵部尚書兼都

察院右副都御史李昆

順治十三年閏五月初十日諡曰忠敏

巡撫河南兵部尚書兼都察院右副都御史吳景道

順治十三年六月二十一日諡曰慈僖

巡撫甘肅兵部右侍郎加兵部尚書周文華 順治十四年二月

月三十日諡曰僖敬

巡撫直隸工部尚書兼都察院右副都御史王登聯

康熙八年九月初九日諡曰愨愨

巡撫陝西都察院右副都御史白清額 康熙九年九月初九日諡

曰清獻

巡撫山東工部尚書兼都察院右副都御史袁懋功

康熙十一年正月二十二日諡曰清獻

巡撫廣東兵部右侍郎兼都察院右副都御史劉秉

權 康熙十四年閏五月初四日諡曰端勤

巡撫江西兵部右侍郎兼都察院右副都御史白色

純 康熙十五年三月初九日諡曰勤僖

巡撫江寧都察院右副都御史馬祐 康熙十六年正月十九日諡曰

清恪

巡撫河南都察院右副都御史佟鳳彩 康熙十六年十二月十三

日諡曰勤僖

巡撫直隸兵部尚書兼都察院右副都御史金世德

康熙十九年六月初九日諡曰清惠

巡撫廣西都察院右副都御史贈太子少保兵部尚

書馬雄鎮 康熙十九年閏八月初五日諡曰文教

巡撫廣西撫蠻滅寇將軍兵部尚書兼都察院右副

都御史傅宏烈 康熙二十年五月十三日諡曰忠毅

巡撫四川工部右侍郎兼都察院右副都御史杭愛

康熙二十三年三月初八日諡曰勤襄

巡撫直隸都察院右副都御史格爾古德 康熙二十三年十二

月十一日諡曰文清

監司殉難諡號

原任湖廣糧儲道叅議殉難贈工部右侍郎葉映櫛

康熙二十八年 月 日諡曰忠節

原任福建巡海道副使殉難贈工部右侍郎陳啓泰

康熙三十三年七月初六日諡曰忠毅

原任浙江溫處道僉事殉難贈通政使司通政使陳

丹赤 康熙三十三年七月初六日諡曰忠毅

提督諡號

提督浙江總兵官贈太傅兼太子太傅左都督二等

侯田雄 康熙二年十一月十五日諡曰毅勇

提督福建總兵官左都督三等侯贈一等侯馬得功

康熙四年二月廿六日諡曰襄武

提督江南總兵官左都督贈少保兼太子太保三等

阿思哈哈番梁化鳳 康熙十一年正月二十二日諡曰敏壯

提督陝西總兵官左都督三等阿思哈尼哈番加三

等精奇尼哈番追封公爵陳福 康熙十五年五月十六日諡曰忠愍

提督廣東總兵官右都督贈左都督王可臣 康熙十七年八月十八日諡曰襄敏

月十八日諡曰襄敏

提督廣西左江總兵官左都督二等阿達哈哈番贈

太子少保趙應奎 康熙二十二年五月二十二日諡曰襄壯

少傅兼太子太師提督甘肅靖逆將軍靖逆侯贈少

師張勇 康熙二十三年九月初八日諡曰襄壯

提督平涼奮威將軍右都督三等精奇尼哈番贈太

子太保王進寶 康熙二十五年二月十三日諡曰忠勇

提督江西總兵官左都督趙國祚 康熙二十八年閏三月二十七日諡

曰敏壯

提督浙江總兵官左都督贈太子少保陳世凱 康熙二十

九年三月初七日諡敏襄

少保兼太子太保提督江南昭武將軍三等阿達哈

哈番楊捷 康熙三十年四月初二日諡曰敏壯

總兵官諡號

湖廣辰常總兵官左都督贈太子太傅徐勇 順治十三年正

月初七日諡曰忠節

廣東饒平總兵官左都督贈少師兼太子太師吳六

奇 康熙四年十一月二十九日諡曰順恪

雲南總兵官右都督劉倬 康熙八年四月十一日諡曰直勇

平南王下右翼總兵官左都督贈太子少保尚之廉

康熙十年三月二十六日諡曰勤恪

福建福寧總兵官右都督贈太子少保左都督吳萬

福 康熙十九年閏八月二十八日諡曰忠愍

四川總兵官署都督同知贈太子少保左都督費雅

達 康熙二十年七月初六日諡曰忠勇

浙江平陽總兵官贈太子少保左都督朱天貴 康熙二十

二年十一月初十日諡曰忠壯

浙江定海總兵官左都督贈太子少保黃大來 康熙二十

九年四月初七日諡曰壯勇

前代

明崇禎皇帝 諡莊烈愍皇帝

前明名臣諡號

大學士范景文 諡文忠

戶部尚書倪元璐 諡文貞

都察院左都御史李邦華 諡忠肅

刑部侍郎孟兆祥 諡忠端

都察院左副都御史施邦耀 諡恭愍

大理寺卿凌義渠 諡忠介

太常寺少卿吳麟徵 諡貞肅

左春坊左庶子周鳳翔 諡文介

左春坊左中允馬世奇 諡文肅

左春坊左中允劉理順 諡文烈

翰林院檢討汪偉 諡文毅

戶科都給事中吳甘來 諡莊介

御史王章 諡節愍

御史陳良謨 諡恭潔

御史陳純德 諡忠潔

名代後考 國朝諡法考

吏部文選司員外許直 諡忠愍

兵部車駕司主事成德 諡介愍

兵部主事金鉉 諡忠潔

太僕寺寺丞申佳胤 諡端愍

進士孟章明 諡忠僖

新樂侯劉文炳 諡忠恪

宣城伯衛時青 諡忠穆

惠安伯張慶臻 諡忠毅

駙馬都尉鞏永固 諡忠烈

司禮監秉筆太監王承恩 諡忠節

外國諡號

朝鮮國王李湜 順治十六年九月十三日諡忠宣

此處為書中正文，因字跡模糊，內容難以辨識。

跋

古有一字之諡有二字之諡有三字之諡近代二字之諡為多最貴者一字之諡若三字則絕無之矣或謂今諡有褒而無貶為不及于古然觀古人弑君之陳恒得諡為成奪妻之孔圉得諡為文若此者不一而足雖曰節取其一善然大節有虧似未足以小善相揜又不若近代之得諡者寡為猶勝也心齋張潮

勝將又不及此外之稱新舊寒涼漸烈也心誠誠
 而兵雖曰精其一二善於大者亦難於未試以中者
 則亦得備而與奪美之其用皆高深文著也皆不一
 而今猶存遺法惟無如不與于古然則古人知書之
 之給為多且其亦一字之錯誤三字之錯誤其失為
 口言一字之錯誤二字之錯誤三字之錯誤其失為

旗軍志題辭

自黃帝創立八陣遂為萬世兵法之祖三代之盛寓
 兵于農雖井之為方者九而耕夫惟八實亦八陣之
 遺意諸葛武侯亦復有八陣圖以是知八之為數乃
 兵法之所不能外
 興朝八旗之制最為詳備其尊者無事則為公卿有
 事則為將帥其卑者時而耕于野時而蒐于郊上之
 于下不啻如身之使臂臂之使指外而江南駐防亦
 復八旗具備其躬擐甲冑者雖最貴亦不敢除其籍

名代後書

旗軍志題辭

唯博士弟子員始復其終身而其在旗也則如故甚矣法制之善也三韓金君素公作旗軍志敘八旗之所由始與其閎閱之等爵秩之序及春秋講武之政賞罰之法咸備載而詳志之俾覽者一讀而知我朝久安長治之道良以安不忘危與吾夫子有文事者必有武備之論若合符節且知兵之精者悉萃于禁旅于以居重而馭輕故能措天下于磐石之安而無尾大不掉之患其所係豈淺渺哉余故樂得而稱道之為天下正告焉新安張潮題

昭代叢書乙集卷十

新安張潮山來輯

旗軍志

遼左金德純素公著

襄平陳于王健夫較

我國家自

太祖武皇帝創業以上聖起東垂用兵威兼并徬小國

及

太宗文皇帝撫有全遼臣服朝鮮百度漸舉爰立八旗

曰正黃鑲黃正白鑲白正紅鑲紅正藍鑲藍每旗析三部以從龍部落及傍小國臣順者子孫臣民爲滿洲諸漠北引弓之民景化內徙者別爲蒙古而以遼人故明指揮使子孫他中朝將衆來降及所掠得別隸爲漢軍各簡其部中才賢用爲大將將其衆階正一品曰都統都統之下副將二員曰副都統正二品參領五員正三品隸於都統副都統佐領正四品驍騎校正六品每一佐領置一驍騎校卒五十名無常員惟人數之多少而置焉謂之馬軍營滿洲蒙古又

選馬軍精壯便騎射者爲一軍置大將一員正一品位視都統而稍貴其選使統四旗曰護軍都統每旗復置大將一員正二品位視副都統而稍貴曰護軍統領而統五護軍參領正三品護軍校尉正六品亦因人卒之多少而置員如佐領驍騎校統騎二十而總號其軍曰護軍營更選護軍尤技精力勇者爲先鋒每旗先鋒參領五員正三品將騎多少無恒數亦隸於護軍都統統領曰先鋒營平時各統其軍教以作坐進退遇有事則各帥其卒執戈矛爲王先驅居

則卒習其將如左右手之於臂。將習大將。大將一指。揮可知。諸將之才。否故無有庸劣之將。疲老之卒。有事征代。事已而歸。還其卒於天子。大將不得私一人。一卒故無有驕悍不可制之。大將其制上下。維持最爲周密。後軍士立功者衆。諸官爵不足以充賞。爰置世職。准古武功爵。以待破軍殺將。保城拓境者。初半階曰拖沙喇哈番。次正階曰拜他喇布勒哈番。次二次三次四。曰一等二等三等。阿達哈哈番。次五次六次七。曰阿思哈呢哈番。次八次九次十。精奇呢哈番。

分等亦如之。上此則伯三等。侯三等。公三等。爲九階。共階十九。虛王國不與酬功。而公侯伯非出人意。亦不得擅請封。著爲制。凡選卒伍之法。一佐領壯丁二百名。以五尺之表度人如表。能勝騎射。充壯丁。入籍至六十而免。籍有甲卒缺出。卽以充選。其餘爲餘丁。不任征伐。國有大役。卽以役之。及

世祖章皇帝卽位。明綱失御。李自成覆京師。

世祖提一旅自東。垂龍驤。虎躍踣流寇於山海。入宅京師。臣一海內。其間他小醜。據險稱戈。次第鏟削。芟夷。

天威所暨無不如意。迨四海旣清。鑑往古太平旣久。兵驕而弱。不識金鼓之音。戰陣之法。命兵部尚書于春二月角射。而賞罰之前期。都統副都統率其屬及部卒習射于國郊。日一往。數日。兵部尚書臨視。而第其上下。一卒步射十矢。馬射五矢。步射中的七。馬射中的三。爲上等。賞以弓一。矢十。白金布帛各七。步射中五。馬射中二。爲中等。賞白金布帛各五。無弓矢。步射中三。馬射中一。爲下等。無所賞。馬步射或一不中。或兩俱不中。則笞之。一佐領受笞之卒過十人。則佐

領有不善教練之罰。至奪俸一旗滿六百人。則都統副都統之罰亦如之。護軍先鋒營閱射亦如馬軍之制。歲八月教砲於拱極城。先期八旗之將率其佐及部卒分二番。上番月初往。月中下番往代。至月終卒事依山立十二營。每營一大將一裨將。晨出至砲所。令每砲發三四出。勒兵爲方陣。進數十步。退爲長陣。首尾彌縫。結圓陣。歸營聚衆申令之。歸奏畢事。至十月大閱。甲冑軍器八旗各列隊伍於各門外。大將及諸裨將皆被甲上馬。諸軍士嚴裝手矛立旗下。候兵

部尚書閱其優劣。兵部尚書至。諸將馳馬迎數百步。前導至大將所。下馬升座。復呈弓矢刀劍。以次而閱。善則已。否者有罰。卒事上奏。亦如閱砲。

世祖於軍政。講之既精。教之有素。故所向無前。平時賞賜優餼。制產一壯丁。予田三十畝。以其所入為馬芻。菽之費。一兵有三壯丁。將不下十壯丁。大將則壯丁數十連。田數頃。故八旗將佐。居家皆彈箏擊筑。衣文繡。策肥日。從賓客子弟飲。雖一卒之享。皆兼人之奉。又設官學。選八旗俊秀。一佐領一人。學于其中。三年。

比其藝而升進之。遇郎中員外郎主事缺。選于佐領。世職習文藝達治體者充之。謂之保選。故順治間。一時得人。八旗為盛。煌煌乎皆幹國材也。今

上即位承

世祖之法。八年。逆藩吳三桂據雲南反。後耿精忠叛於福建。尚之信叛於廣州。與三桂連衡。

上命將四出。次第削平。用都統趙璟議。以安不念危。每歲秋冬。較獵於塞上。甲卒將佐。分番從駕。較獵。暗寓營陣之法。後復允左僉都御史陳汝器請。增火器一

營每旗選馬軍精健者五人拔二一佐領得二十人。置操練尉二員正五品副尉二員正六品一旗置叅領一員正四品統領一員正三品四旗置副都統四員都統一員卽命馬軍都統副都統兼任其事。平時月四五出練於郊冬至。上親閱於天壽山八旗軍爲三列步居前。砲中列左右翼以砲騎殿。鳴金陣前移二十步擊鼓。砲作復鳴金。砲作進數十步。陣開騎從中出策馬作窮遶勢。數百步歸陣如前。鳴金步卒進如是者三。卒事。

天子頒諸軍牢醴。三十四年上用火器軍踏厄魯得噶爾旦於厄魯倫河。三十五年遂并馬軍歸於火器營。而諸營仍其舊焉。

論曰。從古軍政大都善於始。隳于末。如周之卒乘。其始因民爲軍。征行不覺其擾。後東遷不振。敗于鄭。敗于戎。晉作五軍。非王朝之制。至戰國蕩然矣。漢南北軍強幹弱枝。武帝窮兵名配天下。閭里宣成以後。反借用于四方。唐府兵其始與周制暗合。及天寶浸衰。賈人子皆竄身其中。安史亂後。漸失河北。此三朝者。



其遠百餘年。近或數十年。卽浸失制作之意。况其始未善而繼之以怠乎。較三朝以論。春秋戰國之亂極矣。生民朝不保暮。然有亢命之諸侯。無匹夫特起之禍。周之制爲優。國家自太祖以來。至今垂百年。軍政日修。余從故老聞其始末。因著于篇。爲旗軍志。以備典籍之所未備焉。

跋

襄平陳君健夫自京師來訪余。且出書目兩幅云。此金君素公屬其代訪者。余閱之約二百餘種。皆宋明以來經學之書。東海徐先生經解中。概所未有。余以知金子之博。今讀其所著旗軍志。敘事詳明。筆致古健。誠可備一朝典故者也。心齋張潮

蓋聞地靈人傑發祥必自山川乾始坤成毓秀實資
河岳是以王者父天母地特隆郊社之儀國家酬德
報功敢忘懷柔之典虞廷受命泰岱先巡周室肇基
岐山是倚聿稽往牒代有明徵惟茲長白之山實屬
大清之望五岳而外特立稱雄三代以前獨尊無偶
嗟峨萬仞呼紫座而可通聳拔千尋干青雲而直上
北混同而南鴨綠兩江自有淵源左兀喇而右訥陰
萬壑咸滋孕育儲精蘊彩綿曆算于億萬年兆瑞含

封長白山記題辭

蓋聞地靈人傑發祥必自山川乾始坤成毓秀實資
河岳是以王者父天母地特隆郊社之儀國家酬德
報功敢忘懷柔之典虞廷受命泰岱先巡周室肇基
岐山是倚聿稽往牒代有明徵惟茲長白之山實屬
大清之望五岳而外特立稱雄三代以前獨尊無偶
嗟峨萬仞呼紫座而可通聳拔千尋干青雲而直上
北混同而南鴨綠兩江自有淵源左兀喇而右訥陰
萬壑咸滋孕育儲精蘊彩綿曆算于億萬年兆瑞含

封長白山記題辭

麻鞏江山于千百世既屬鍾祥之地寧無封號之尊
爰命禮官詳稽祀典等諸岳瀆神之秩封爲長白山
之神歲時告祭不同封禪虛文位號推敲肯襲從來
陋習斯誠超百王而立極邁千古以稱隆者矣編修
方涓仁先生以文學侍從之臣值遣使頒封之日躬
逢大典特著鴻文詳其月日並及程途紀厥姓名兼
之爵里詞邊意表寫成縹緲香雲字裏行間想見鬱
葱佳氣開函敬讀羣知典禮之尊崇啓篋詳觀共仰
聲靈之赫濯新安張潮題

昭代叢書乙集卷十一

新安張潮山來輯

封長白山記

遂安方象瑛涓仁著

武密靳治荆熊封較

康熙十有六年四月望

上以長白山發祥要地特命內大臣覺羅武某一
等侍衛兼親隨侍衛費耀色一等待衛塞護禮等於
大暑前馳驛往五月四日啓行十四日至盛京二十

三日至兀喇。宣諭鎮守將軍等。召村莊獵戶。皆無知長白者。都統尼雅漢族祖戴穆布魯。世採獵。以老退閒。自言祖居額黑訥陰。聞其父嘗云。獵鹿長白山。負以歸。四日可抵家。以此度之。長白山距訥陰當不遠。因問訥陰路幾何。獵戶噶喇大額黑等曰。陸行十日。水路乘小舟二十日。乃命獵人喀喇前導。各持三月糧。又慮食盡馬乏。不能歸也。期將軍巴海載米一舟。候於訥陰。于是噶喇大額黑等由舟。覺羅率固山大薩布素由陸。六月三日啓行。經文德痕河。阿虎山。

庫納訥林。祁爾薩河。渾沱河。法布爾堪河。納丹佛勒地方。輝發江。法河水。敦林巴克塔河。納爾渾河。敦敦山。卓龍窩河。凡數十處。抵訥陰。而噶喇大等亦至。蓋自江逆溯。由瓦努湖河。至佛多和河。復順流來會。纔七日耳。十一日發訥陰。一望林莽。迷不得路。薩布素率旂甲二百人。伐木開道。十二日悉衆行。是日薩布素遣顧懋等。先後馳報前進。約百數十里。登一山。升樹而望。遙見遠峰。白光片片。殆長白山也。因留噶喇大額黑督采珠蚌。十四日與薩布素等會密樹茂林。

揣摩開路。十六日黎明。聞鶴鳴六七聲。雲霧迷漫。不復見山。乃從鶴鳴處覓徑。得鹿蹊。循之以進。則山麓矣。始至一處。樹木環密。中頗坦而圓。有草無木。前臨水。林盡處。有白樺木。宛如栽植。香木叢生。黃花爛熳。隨移駐林中。然雲霧漫漫。無所見也。衆惶惑。前誦綸音禮甫畢。雲披霧捲。歷歷可覩。莫不歡呼稱異。遂攀躋而上。有勝地。平敞如臺。遙望山形。長濶近視。頗圓。所見白光。皆冰雪也。山高約百里。五峰環繞。憑水而立。頂有池。約三四十里。無草木。碧水澄清。波文蕩

漾繞池。諸峰望之。搖搖若墜。觀者駭焉。南一峰稍低。宛然如門。池水不流。山間則處處有水。左流爲松阿里兀喇河。右流爲大小訥陰河。瞻眺之頃。峰頭游鹿一羣。皆駭逸。惟七鹿忽墜落。衆喜曰。神賜也。蓋登山適七人。時正乏食。拜而受之。回首望山。倏復雲霧。遂于十八日南回。至前登山高望處。一氣杳冥。并不見有山光矣。二十一日。至二訥陰河合流處。二十五日。至恰庫河。則訥陰東流合處也。二十九日。由恰庫河。歷色克騰圖。白黑噶爾。漢噶。大渾薩。滿薩。克錫法克。

錫松阿里多渾大江險絕處凡九。七月二日。次元喇。十二日。抵寧古塔。遍閱會寧諸府。八月二十一日。還京。具疏聞。

上以發祥之地。奇蹟甚多。山靈宜加封號。下內閣禮部議。封爲長白山之神。歲時享祀。如五嶽焉。夫封山之典。肇始唐虞。然報祀嶽瀆。非有關於鍾祥之自也。志稱長白山。橫亘千里。高二百里。巔有潭。周八十里。南注爲鴨綠。北流爲混同。國家龍興。所自然至今。無知其處者。睿慮周詳。穆然念。

祖宗所由出。專官訪求。備歷險異。卒光大典。以答神庥。其享天心而致靈貺。宜哉。謹撫原疏。綴葺爲記。用志千萬世無疆之盛云。

此山其地極重風水凡故家大族必有發祥之地無論
陽之宅陰之墓其來龍祖山所有樹石保護備至苟
有戕其一樹鑿其片石者必訟之官務懲之而後已
士庶人且如此而况帝王之尊乎然歷觀史冊究未
有所聞焉則何也

跋

吾鄉人極重風水凡故家大族必有發祥之地無論
陽之宅陰之墓其來龍祖山所有樹石保護備至苟
有戕其一樹鑿其片石者必訟之官務懲之而後已
士庶人且如此而况帝王之尊乎然歷觀史冊究未
有所聞焉則何也
今上御極之二十有三年念長白山為本朝鍾靈之
地特命頒封祭告典禮如儀卽此一端誠足度越千
古夫豈歷代之所可及乎新安張潮

名代叢書 封長白山記跋

古夫豈無外之... 聖天子之威靈而思沐夫教育及其入太學讀經書
 僅歷四載遽以省親歸雖于... 聖朝禮樂文章之盛身心性命之微未必遽能窺見
 名代後書 琉球入太學始末題辭

琉球入太學始末題辭

國家聲教覃敷無遠弗届而琉球嚮慕文教尤為最
 篤蓋其時奉使琉球者為吾郡悔齋汪先生先生親
 賁

宸翰遠涉瀛海未浹旬而至誠古今所僅見是以其
 國益懾伏于

聖天子之威靈而思沐夫教育及其入太學讀經書
 僅歷四載遽以省親歸雖于

聖朝禮樂文章之盛身心性命之微未必遽能窺見

名代後書 琉球入太學始末題辭

而忠孝仁義之大端必能得其梗概吾知此數人者
一抵其國必有向之受業而請益者是此數人于
本朝為弟子而于彼國未必不為師方且擁臯比御
函丈其尊榮為何如也然吾竊為彼國惜者則以讀
書未久遽即請歸假使其更歷年所學為制舉文字
簡練揣摩與國子諸生同與于賓興之典或得叨科
第之殊榮然後歸國予以照耀鄰封翱翔島嶼其所
得不更多乎而惜乎其智之未出乎此也新安張潮
題

昭代叢書乙集卷十二


新安張潮

紀琉球入太學始末

濟南王士正貽上紀

海陵黃雲仙裳校

康熙二十三年冊封琉球翰林院檢討汪楫中書舍
人林麟焟等疏言中山王尚貞親詣館舍云下國僻
處彈丸常慚鄙陋執經無地嚮學有心稽明洪武永
樂年間常遣本國生徒入國子監讀書今願令陪臣



子弟四人赴京受業云。事下禮部。部覆史載唐貞觀中興學校。新羅百濟俱遣子入學。琉球自明初始內附。會典載大琉球國朝貢不時。王子及陪臣之子皆入太學讀書。禮待甚厚。又載洪武永樂宣德成化間。琉球官生俱入監讀書。今該國王尚貞以本國遠被

皇仁。傾心嚮學。懇祈使臣汪楫等轉奏。願令陪臣子弟四人赴京受業。應准所請。聽其遣陪臣子弟入監讀書。云。時予為祭酒。咨覆禮部。略云。查太學志載

洪武二十五年秋。琉球國遣其子及陪臣之子日孜等入監。命工部給羅絹為秋衣。冬。琉球中山王遣其舅仁悅慈等至。永樂二年。琉球中山王從子三五良疊等九人。以謝恩至。奏請入監。給賜一如洪武中故事。令工部建王子書房于監前。以處之。三年。琉球山南王遣寨官子李傑至。四年。中山王遣寨官子石達魯等六人至。其後李傑石達魯等每在監三年。得乞歸省。九年。中山王遣王相之子懷得。寨官子祖魯古至。十一年。遣寨官子周魯等三人至。是年有奏歸省

名代叢書 紀琉球入太學

者命禮部厚賜以榮其歸。是後乞歸省。或令候其使者還國以行。永樂以後。至于正德。常三四遣至。嘉靖五年。中山王遣官生蔡廷美等四人至。十一年歸國。十七年遣梁炫等四人至。二十三年歸國。尋又遣蔡朝用等五人至。今在南雍處以光哲堂。歲時給衣物。如例向慕文教。琉球于諸國爲最篤。國家待之亦爲最優。云。康熙二十七年。琉球國王遣耳目官魏應伯等恭進朝貢方物。又遣陪臣子弟梁成楫、鄭秉均、阮維新、蔡文溥等四人同貢使赴京。人監讀書于正貢。

方物外。敬加屏風紙三千張。嫩蕉布五十疋。三十一年。中山王貞上言。康熙二十三年。蒙冊封天使汪楫題准。臣國陪臣子弟入監讀書。臣貞遵奉。

俞旨。業於康熙二十五年遣官生梁成楫等三人同貢使魏應伯進京。仰荷_{三人}。皇上令其入監讀書。月糜廩餼。季給衣服。正梁成楫等感泣。高厚。殫心誦讀之時也。但伊父前經節次入貢。萬里梯航。罔辭勞瘁。今皆年老。奉養需人。臣貞亦當念之矣。且梁成楫等三人俱未有室。父母之願。

人皆有之。况臣國人皆愚昧。自成楫等進監之後。臣
 貞望其返國。與臣言忠。與子言孝。以宣布。人皆
 皇上一道同風之化。更為不淺。今據梁成楫等乞題
 請歸養等情。應否准其歸養。臣貞未敢擅便。伏乞
 睿鑒。云 詔梁成楫等三人。照部通事例賞賜。

賜宴禮部。遣歸國。十五年。梁成楫等三人。同

梁成楫等三人。同賜宴禮部。遣歸國。十五年。梁成楫等三人。同

跋

琉球于中國當在東南方。東南為文明之地。今且近
 天子之光。吾知其國聲名文物。必且月異而歲不同
 矣。心齋張潮

人瑞錄題辭
景星慶雲之屬瑞之在天者也器車醴泉之屬瑞之在地者也天地有之人亦宜然然天地之瑞得之固足為榮即無之亦非有損苟使景星慶雲日麗于天器車醴泉日見于地而曠觀斯世類多凶厲天札之流當非長民者之所樂聞者已洪範之于五福其一曰壽晁錯亦云人情莫不欲壽三王生之而不傷然則斯民之壽亦必由土之人有以致之非苟然也今上二十七年恩賜天下老人粟帛其得與于養老之

人瑞錄題辭

景星慶雲之屬瑞之在天者也器車醴泉之屬瑞之在地者也天地有之人亦宜然然天地之瑞得之固足為榮即無之亦非有損苟使景星慶雲日麗于天器車醴泉日見于地而曠觀斯世類多凶厲天札之流當非長民者之所樂聞者已洪範之于五福其一曰壽晁錯亦云人情莫不欲壽三王生之而不傷然則斯民之壽亦必由土之人有以致之非苟然也今上二十七年恩賜天下老人粟帛其得與于養老之

人瑞錄題辭

典者凡數十萬人戶部孔先生詳考而彙載之名曰人瑞錄余思若而人者沐聖朝之雨露幾五十年推其意中未嘗不願須臾無死以觀德化之成而今者仁漸義摩久已淪肌浹髓以漸臻于耄耋期頤之歲固已感聖代之帡幪而又幸叨粟帛之頒得暖衣而飽食回思幼稚之年所聞所見初未嘗能有此而今也躬膺異數其榮且樂為何如也昔文王之世老者衣帛食肉黎民不飢不寒迄今數千餘年又逢其盛則謂我朝之治媲美成周可也新安張湖題

昭代叢書乙集卷十三

新安張湖山來輯


人瑞錄

曲阜孔尚任東塘編

休寧趙吉士天羽校

康熙二十七年十月二十三日奉

恩詔內一則軍民年七十以上者許一丁侍養免其雜汎徭役八十以上者給絹一疋棉一觔米一石肉十觔九十以上者倍之



詔下郡邑悉如今行仍以給過民數上之司農藏于冊府以見我國家休養生息五十餘年躋四海于仁壽之域耄耋期頤筆不勝書而又大賚天下盛舉養老之典俾康衢白叟衣帛食肉鼓腹而祝堯年較之麟遊鳳集露降芝生者不尤稱祥瑞與予備員版曹因搜輯其數命曰人瑞錄云

直隸

七十以上

未報

八十以上

一萬一千一百一十一人

九十以上

五百三十五人

百歲以上

無人

遼東

七十以上

二百四十四人

八十以上

八十八人

九十以上

五人

百歲以上

無人

山西

七十以上

四萬一千九百九十一人

八十以上

九千四十三人

九十以上

二百五十人

百歲以上

無

山東

七十以上

六萬五千二百二十五人

八十以上

二萬六千六十七人

九十以上

一千三百三十人

百歲以上

九人

河南

七十以上

八千一百三十二人

八十以上

三千六百五十一人

九十以上

四百五十一人

百歲以上

五人

江南

七十以上

未報六十二人

八十以上

三萬四千八十八人

九十以上

一千六十五人

百歲以上

三人

浙江

七十以上

未報

八十以上

二萬一千八百六十六人

九十以上

九百八十二人

百歲以上

無

陝西

七十以上

一萬三千三百八十二人

八十以上

一萬一千五百八十二人

九十以上

三百一十七人

百歲以上

無

湖廣

七十以上

三萬七千三百五十四人

八十以上

二萬五千五百四十四人

九十以上

二千八百五十人

百歲以上

四人

江西

七十以上

未報

八十以上

七千一百九十人

九十以上 五百八十八人
百歲以上 無

廣東

七十以上 一萬七千三百六十九人
八十以上 九千四百五十五人
九十以上 五百九十九人
百歲以上 無

廣西

七十以上 未報

八十以上 四百八十九人
九十以上 一百一十四人
百歲以上 無

福建

七十以上 一萬二百一十三人
八十以上 五千二百三十二人
九十以上 三百六十九人
百歲以上 無

四川

名代叢書 人瑞錄

七十以上 一百七十六人

八十以上 九十九人

九十以上 一十三人

百歲以上 無

貴州 七十以上 未報

八十以上 七百四十九人

九十以上 九十四人

百歲以上 無

雲南

七十以上 未報

八十以上 三千六百一十八人

九十以上 四百五十八人

百歲以上 無

合天下計之七十者不可勝紀八十者一十六萬九千八百三十人九十者九千九百九十六人百歲者二十一人。是人也。皆勝國之子遺也。而能不死于瘡疫。不死于刑法。不死于饑寒。不死于水火盜賊。留其

餘生以受。與朝之雨露。雖其得于天者獨全。亦必由善良以接。物明哲以保身。故今日者。獲錄于有司。達之。天子賜天府之布帛。給大官之米肉。庶民之賤。埒于。卿士。豈偶然哉。雖然。縱橫萬里之遙。男女兆民之衆。壽滿百年者。纔二十一人。世之攘名。噉利。垂白龍鐘。未肯少休者。莫不有百年二字。橫其胸臆。觀此錄。當亦廢然返矣。

跋


余少時在吾鄉山中。聞人言前輩人類。夔鑠而多壽。非復時人之所可及。亦頗信之。及余稍長。始知其言之謬。前輩中豈無夭折而短命者耶。第我所及見者。皆龐眉皓首。耄耋之儔耳。此如古人字畫及諸玩器。其得以流傳于世者。皆其絕佳者耳。其不足存而付之水火。委諸草莽者。蓋不知凡幾矣。今觀孔民部所輯人瑞錄。將古人之所稀者。猶多在未經上聞之列。其徹宸聰而徼粟帛者。已不下三十七萬餘人。誰

謂古今人不相及也雖然壽所同也

君恩所獨也語有之八荒開壽域一氣轉鴻鈞其我

朝之謂歟心齋張潮

此詩見於張潮心齋詩集卷之四其詩云八荒開壽域一氣轉鴻鈞其我朝之謂歟心齋張潮



山中聞人言前輩人談及此詩云



